

礼记注疏

第一
函
九
册

附釋音禮記注疏卷第十二

王制

鄭氏注

孔穎達疏



天子將出類乎上帝宜乎社造乎禰諸侯將

出宜乎社造乎禰

帝謂五德之帝所祭於南郊者類宜造皆祭名其禮亡。禰音類造

七報反下及注同

疏

天子至乎禰。正義曰此一經論天子巡守之禮也將出謂初出時也知此是巡守者以

下別云天子將出征類乎上帝故知此是巡守也類乎上帝者謂祭告天也宜乎社者此巡行方事誅殺封割應載社主也云宜者令誅伐得宜亦隨其宜而告也社主於地又爲陰而誅殺亦陰故於社也故書云弗用命戮于社是也。造乎禰者造至也謂至父祖之廟也然此出歷至七廟知者前歸假既云祖禰明出亦告祖禰也今惟云禰者白虎通云獨見禰何辭從卑不敢留尊者之命至禰不嫌不至祖也皇氏申之云行必有主無則主命載于齊車書云用命賞于祖是也今出辭別先從卑起最後至祖仍取遷主則行也若前至祖後至禰是留尊者之命爲不敬也故曲禮曰已受命君言不

宿於家亦其類也。若還則先祖後禰如前所言也。所以然者先應反。主祖廟故也。然出告天地及廟還。惟告廟不告天地者。白虎通云。還不復告天者。天道無外。內故不復告也。諸侯將出者。謂朝王及自相朝盟會征伐之事也。宜乎社者不得告天。故從社始也。亦載社主也。造乎禰者。亦告祖及載主也。惟言出告則歸亦告也。曾子問曰。出反必親告于祖禰是也。天子用特牲諸侯卑則否也。曾子問注云。皆奠幣以告之是也。○注帝謂至禮亡。正義曰。證天子類帝是祭五德帝也。鄭注月令祈穀於上帝。爲大微之帝。注此上帝爲五德五德似如大皞五人之帝。二文不同。庾蔚云。謂大微五帝應於五行。五行各有德。故謂五德之帝。木神仁。金神義。火神禮。水神知。土神信。是五德也。云所祭於南郊者。按五德之帝應祭四郊。此獨云祭於南郊者。謂王者將行各祭所出之帝於南郊。猶周人祭靈威仰於南郊。是五帝之中一帝。故上摠云帝。謂五德之帝。此據特祭所出之帝。故云祭於南郊。云類宜造皆祭名者。按小宗伯云。凡天地之大裁類社稷宗廟則爲位。鄭注云。禱祈禮輕類者。於其正禮而爲之。是類爲祭名也。按爾雅釋天云。起大事動大衆。必先有事乎社而後出。謂之宜孫炎注云。求便宜也是宜爲祭名也。按大祝六祈。一曰類。二曰造。是造爲祭名也。但天道懸遠。以事類告之。社主殺戮。

故求其便宜廟爲親近故以奉至言之各隨義立名也

○天子無事與諸侯相

見曰朝

事謂征伐。與如字朝直遙反。

考禮正刑一德以尊于天

子天子賜諸侯樂則以祝將之賜伯子男樂

則以鼗將之

將謂執以致命祝鼗皆所以節樂。祝昌六反樂音岳鼗音桃。

○諸侯

賜弓矢然後征賜鈇鉞然後殺賜圭瓚然後

爲鬯未賜圭瓚則資鬯於天子

得其器乃敢爲其事圭瓚鬯爵

也鬯秬酒也。鈇方手反又音斧鉞音越圭字又作珪按

說文珪古字圭今字瓚才旦反鬯勅亮反和音巨黑黍也

疏

天子至天子。正義曰此一節論諸侯朝天子天子賜之事

各隨文解之。○注事謂征伐。○正義曰知事非喪故而爲征

伐者若王室有喪則朝赴不廢故傳云天子七月而葬同執

畢至此朝謂常朝雖四時而來朝朝是摠名也若時會之禮

有征伐之事則此常朝別也。○考禮正刑一德以尊于天子

者考禮謂諸侯相與朝王之時考校禮儀正定刑法專一道

已疏卷之二

德以尊崇天子不言樂者禮中兼之禮刑是施用於人故先
言之道德是已之所行故後言之。注將謂至節樂。正義
曰凡與人之物置其所與大者於地執其小者以致命於人
將行也謂執以行命云祝釁皆所以節樂者按漢禮器制度
祝狀如漆箭中有椎將作樂先擊之釁如小鼓長柄旁有耳
搖之使自擊祝之節樂節一曲之始其事寬故以將諸侯之
命釁所以節一唱之終其事狹故以將伯子男之命。諸侯
至天子。賜弓矢者謂八命作牧者若不作牧則不得賜弓
矢故宗伯云八命作牧注云謂諸伯有功德者加命得專征
伐此謂征伐當州之內若九命爲二伯則得專征一方五侯
九伯也若七命以下不得弓矢賜者尙書大傳云以兵屬於
得專征伐者此弓矢則尙書彤弓一彤矢百盧弓十盧矢千
於周禮則當唐弓大弓合七而成規者故司弓矢云唐弓大
弓以授使者勞者注云若晉文侯文公受王弓矢之賜者賜
鈇鉞者謂上公九命得賜鈇鉞然後鄰國臣弑君子弑父者
得專討之晉文侯雖受弓矢不受鈇鉞崔氏云以不得鈇鉞
不得專殺故執衛侯歸之於京師。賜圭璜者亦謂上公九
命者若未賜圭璜者則用璋璜故周禮小宗伯注云天子圭
璜諸侯璋璜既不得璜則用薰故王度記云天子以璜諸侯
以薰圭璜之制按玉人職大璋中璋之下云黃金勺青金外

宋中鼻寸衡四寸鄭注云鼻勺流也凡流皆爲龍口也三璋之勺形如圭瓚又典瑞注瓚槃大五升口徑八寸下有繫口徑一尺又明堂位注云以大圭爲柄玉人注又云有流前注此是圭瓚之形也鬯者釀秬黍爲酒和以鬱金之草謂之鬱鬯不以鬱和直謂之鬯此鬯者謂鬯也此弓矢鈇鉞圭瓚等八命九命而加九賜也晉文侯雖以州牧之禮命之所賜者皆九賜之物但無鈇鉞之賜其前文賜樂者非九賜之樂故伯子男亦得受之魯無弓矢之賜陳恒弑君孔子請討之者春秋之時見鄰國篡逆亦得專征伐若鄰國無罪而輒征之則不可故哀公八年魯伐邾吳子討之是也○天

子命之教然後爲學小學在公宮南之左大

學在郊

學所以學士之宮尚書傳曰百里之國二十里之郊七十里之國九里之郊五十里之國三里之郊

此小學大

天子曰辟廱諸侯曰類宮

尊卑學異名辟明也廱和

也所以明和天下類之言班也所以

疏

天子至類宮○正義曰此一節論天

班政教也○辟音壁注同類音泮子命諸侯立學及學名之事各依文解之○注尚書至之制正義曰所引書傳者伏生多士傳文假令百里之國國城居

中面有五十里二十里置郊郊外仍有三十里七十里之國
國城居中面有三十五里九里置郊郊外仍有二十六里五
十里之國國城居中面有二十五里三里置郊郊外仍有二
十二里此皆以四里爲差此經小學在公宮南之左大學在
郊既是殷制故引書傳郊之所在以明之若周制則司馬法
云百里郊天子畿內方千里百里爲郊則諸侯之郊皆計竟
大小故聘禮注云遠郊上公五十里侯伯三十里子男十里
也近郊各半之鄭必知近郊半遠郊者按書序云命君陳分
正東郊成周注云東郊周之近郊也蓋五十里今河南洛陽
相去則然以天子近郊半遠郊則知諸侯近郊皆半遠郊也
以經文承上諸侯之下故直云天子命之教不云命諸侯從
可知云此小學大學殷之制者以下文云殷人養國老於右
學養庶老於左學則左學小學右學大此經云小學在公宮南
之左故知殷制也周則大學在國小學在四郊下文具也○
注辟明至教也○正義曰釋詁云辟君也君則尊明靡和也
釋訓文云所以明和天下者謂於此學中習學道藝欲使天
下之人悉皆明達諧和故云明和天下云類之言班也所以
班政教也者類是分別之義故爲班於此學中施化使人觀
之故云所以班政教也按詩注云土雖水之外圍如壁注又
云類之言半以南通水北無也二注不同者此注解其義詩

注解其形於此必解其義者以上云天子命之教是政教治
理之事故以義解之詩云王在在靈沼於初魚躍又云思樂
泂水薄采其芹皆論水之
形狀故詩注以形言之
○天子將出征類乎上帝

宜乎社造乎禰禡於所征之地

禡師祭也爲兵禱其禮亦亡○禡馬

怕反又音百注同爲于爲反下爲盡物同禱丁老反

受命於祖

告祖也

受成於學

定兵謀也

出征執有罪反釋奠于學以訊馘告

釋菜奠幣

禮先師也訊馘所生獲斷耳者詩曰執訊獲醜又曰在類獻馘或爲國○訊木又作諱音信注同馘古獲反馘耳斷音

短下斷殺同

疏

天子至馘告○正義曰此一經論天子出征所祭之事各依文解之○注禡師至亦亡○正義

曰按釋奠云是類是禡師祭也故知禡爲師祭也謂之禡者按肆師注云貉讀如十百之百爲師祭造軍法者禱氣勢之

增倍也其神蓋蚩蚩或曰黃帝鄭既云祭造軍法者則是不祭地熊氏以禡爲祭地非師祭皆稱類爾雅類既爲師祭所

以上文云天子將出巡守類乎上帝及舜之攝位亦類乎上帝並非師祭皆稱類者但爾雅所釋多爲釋詩以皇矣云是

類是禡止釋矣。類禡爲師祭，不謂餘文類皆爲師祭，但類者以事類告天。若以攝位事類告天，亦謂之爲類。若以巡守事類告天，亦謂之爲類。故異義夏侯歐陽說以類祭天者，以事類祭之。古尚書說非時祭，天謂之類。許慎謹按周禮郊天無言類者，知類非常祭。從古尚書說鄭氏無駁與許同也。然今尚書及古尚書二說其文雖異，其意同也。以事類告祭，則是非常故。孔注尚書亦云以攝位事類告天。鄭又以類雖非常祭，亦比類正禮而爲之。故小宗伯注云：類者依其正禮而爲之是也。受命至鹹告。受命於祖謂出時告祖是不敢自專有所稟承，故言受命祖。禡皆告以祖爲尊，故特言祖。此受命於祖則前文造乎禡也。但前文據告行故云造乎禡，此據以征伐之事，故云受命於祖。所以重起其文也。然則受命於祖在造乎禡之前，但前文類帝宜社禡於所征之地，總說出行之時，然後卻本初時受命於祖受成於學之事，所以文倒也。受成於學者，謂在學謀論兵事好惡可否其謀成定受此成定之謀在於學裏，故云受成於學。出征執有罪者，謂出師征伐執此有罪之人還反而歸。釋菜奠幣在於學以可言問之，訊載左耳之鹹告先聖先師也。注釋菜至獻鹹。正義曰：按大晉職云春入學舍采合舞文王世子亦云釋菜鄭注云釋菜禮輕也，則釋菜惟釋蘋藻而已，無牲牢無幣帛文

王世子又云始立學者既興器用幣注云禮樂之器成則費之又用幣告先聖先師以器成此則徒用幣而無菜亦無牲牢也文王世子又云凡始立學者必釋奠於先聖先師及行事必以幣是釋奠有牲牢又有幣帛無用菜之文熊氏以此爲釋菜奠幣者謂釋奠之禮以獻俘馘故云釋菜奠幣言釋奠之時既有牲牢菜幣兩有今按注云釋菜解經中釋字奠幣解經中奠字又云禮先師不云祭先師則以訊馘告之時但有菜幣而已未必爲釋奠有牲牢也於事有疑未知孰是故備存焉然則釋菜奠幣皆告先聖先師此直云先師文不具耳云訊馘所生獲斷耳者以生獲解訊以斷耳解馘按釋言云訊言也故詩注云執其可言問者釋詁云馘獲也訊是生者馘是死而馘耳者云詩曰執訊獲醜者詩小雅出車篇文也云又曰在類獻馘者魯頌泮水篇文也按周禮宗伯師還獻愷於祖司馬職云愷樂獻于社此記不云祖及社者文不具周禮不云獻愷於學者亦文不具

○天子諸侯無事則歲三田

一爲乾豆二爲賓客三爲充君之庖

三田者夏

時也周禮春曰蒐夏曰苗秋曰獮冬曰狩乾豆謂腊之以爲祭祀豆實也庖今之厨也。乾音干庖步交反蒐所交反獮

息淺反
腊音昔

無事而不田曰不敬田不以禮曰暴天

物

不敬者簡祭
祀略賓客

天子不合圍諸侯不掩羣

爲盡
物也

○合如字徐音閣
揜音掩本又作掩

天子殺則下大綏諸侯殺則下

小綏

綏當爲綏綏有虞氏之旌旗也下謂
之○綏依注音綏耳佳反下注同

大夫殺則

止佐車佐車止則百姓田獵

佐車驅逆之車○獵
力輒反驅丘子反又

丘遇
反

獺祭魚然後虞人入澤梁豺祭獸然後

田獵鳩化爲鷹然後設罝羅草木零落然

後入山林昆蟲未蟄不以火田

取物必順時候也
梁絕水取魚者罝

小網也昆明也明蟲者得陽而生得陰而藏○獺徐他達反
又他睹反豺仕皆反罝音尉一音鬱零本又作苓音同說文

云草曰苓木曰落蟲
直隆反下同整直反

不麝不卵不殺胎不殀天

重傷

未成物歿斷殺少長曰夭。麋本又作麇音迷同卯力管反

胎吐來反歿夭上於表反下烏老反斷丁亂反又音段少長

上詩召反

下丁丈反

不覆巢

覆敗也。覆

芳服反注同

疏天子至覆巢。正

子以下田獵之事各隨文解之。天子諸侯無事者謂無征

伐出行喪凶之事則一歲三時田獵獵在田中又爲田除害

故稱田也。一爲乾豆者謂乾之以爲豆實豆實非脯而云

乾者謂作醢及醢先乾其肉故云乾豆是上殺者也。二爲賓

客中殺者也。三爲充君之庖下殺者也。故穀梁淵聖御召

四年范甯云上殺中心死速乾之以爲豆實次殺射髀髀死

差遲故爲賓客下殺中腸汚泡死最遲故充庖厨又車攻毛

傳云自左髀而射之達於右髀爲上殺射右耳本次之射左

髀達於右髀爲下殺是亦有三等之殺先宗廟次賓客者尊

神敬賓之義。注三田至曰狩。正義曰夏不田蓋夏時也

者以夏是生養之時夏禹以仁讓得天下又觸其夏名故夏

不田鄭之此注取春秋緯運斗樞之文故以爲夏不田若何

休稍異於此故穀梁傳鄭聖御魯四年公狩于郎傳曰春曰

田夏曰苗秋曰蒐冬曰狩何休云運斗樞曰夏不田穀梁有

夏田於義爲短鄭玄釋之云四時皆田夏殷之禮詩云之子

于苗選徒驅驅夏田明矣孔子雖有聖德不敢顯然改先王

之法以教授於世若其所欲改其陰書於緯藏之以傳後王
穀梁四時田者近孔子故也公羊正當六國之亡識緯見讀
而傳爲三時田作傳有先後雖異不足以斷穀梁也如鄭此
言三時之田不敢顯露陰書於緯四時之田顯然在春秋之
經穀梁爲傳之時去孔子既近不見所藏之緯唯觀春秋見
經故以爲四時田也公羊當六國之時去孔子既遠緯書見
行於世公羊既見緯交故以爲三時田又鄭釋廢疾云歲三
田謂以三事爲田即上一曰乾豆之等是深塞何休之言當
以注爲正云周禮春曰蒐以下周禮大司馬職文彼注云夏
田爲苗擇取不孕任者若治苗去不秀實者秋田爲獮獮殺
也中殺者多也冬田爲狩言守取之無所擇也鄭不釋蒐者
蒐擇也亦謂擇取不孕者以義可知故不解也然春秋四時
田獵皆曰蒐者以春蒐之禮行之故也田不以禮曰暴天物
者若田獵不以其禮殺傷過多是暴害天之所生之物以禮
田者則下文天子不合圍以下至不覆巢皆是也○天子至
掩羣○天子四時田獵皆得圍但圍而不合若諸侯惟春田
不得圍其夏秋冬皆得圍圍亦不合故下曲禮云國君春田
不圍澤○諸侯不掩羣者是畿內諸侯爲天子大夫士曲
禮云大夫不掩羣此皆是熊氏之說若皇氏以此爲曲禮
下曲禮爲周禮義或然也○注緩當至弊之○正曲禮字

是系方安是登車之索綬字是系旁委是旌旗之名經作經
字故云綬當爲綬云有虞氏之旌旗也者按明堂位云有虞
氏之旌夏后氏之綬鄭注云有虞氏當言綬旌旗無旒者周
謂之大麾於周則春夏田用綬故鄭答趙商云春夏用大麾
秋冬用大常云下謂弊之者謂弊仆於地也若初殺時則折
之已殺獵止之時則弊之故詩傳云天子發抗大綬諸侯發
抗小綬此抗綬以表天子諸侯之獲周禮大司馬以旗致民
注云以旗者立旗期民於其下也山虞云植虞旗澤虞云植
虞旌謂田獵罷致禽旌旗也並與此綬不同也。大夫至田
獵。大夫殺則止佐車則天子諸侯殺未止佐車也云佐車
止則百姓田獵以此推之則天子殺然後諸侯殺諸侯殺然
後大夫殺故詩傳云天子發然後諸侯發諸侯發然後大夫
上發是也此云佐車止則百姓田獵謂冬獵之時然則大綬
小綬者是夏殷之法秋冬皆用綬異於周也。注佐車驅逆
之車。正義曰按大司馬云乃設驅逆之車注云驅驅出禽
獸使趨田者也逆逆要不得令走凡四時田獵欲止之時各
不同也按大司馬春火弊謂春時田獵殺獲禽獸將畢摠放
火焚萊而後止春用火者鄭注因焚萊除陳草皆殺而火止
大司馬又云夏車弊注云車弊驅獸之車止也謂一人殺禽
既畢布列車乘摠驅禽獸而後止息鄭云夏田主用車示所

取物希皆殺而車止鄭即引王制云大夫殺則止佐車佐車
止則百姓田獵是殺禽既畢佐車休止但夏時佐車止百姓
未得田獵鄭云百姓田獵者因引王制之成文大司馬又云
秋羅罝注云秋田主用罔中殺者多也皆殺而罔止大司馬
又云冬徒罝注云冬田主用衆物多衆得取也。獺祭至火
田。按月令正月獺祭魚孝經緯云獸蟄伏獺祭魚則十月
中也是獺一歲再祭魚此下文鳩化為鷹草木零落文相連
接則獺祭魚然後虞人入澤梁謂十月時按魯語李革云鳥
獸孕水蟲成於是乎禁罝罾羅網又云獸長麋天鳥翼設卵
注云謂季春時然則正月雖獺祭魚虞人不得入澤梁。豺
祭獸然後田獵者按月令九月豺乃祭獸夏小正十月豺祭
獸則是九月末十月之初豺祭獸之後百姓可以田獵鳩化
爲鷹然後設罝羅者謂八月時但鳩化為鷹則八月時也以月
鷹乃學習孟秋云鷹乃祭鳥其鳩化為鷹也故周禮司裘云中
令二月時鷹化為鳩則八月鳩化為鷹也故周禮司裘云中
秋獻良裘鄭司農注云中秋鳩化為鷹是也設罝羅者按說
文云罝捕鳥網也又爾雅云鳥罝謂之羅罝羅摠是捕鳥之
網。草木零落然後入山林者謂十月時按月令季秋草木
黃落其零落莢折則在十月也故毛詩傳云草木零落不折不操
斧斤不入山林此謂官民應取林木若依時取者則由虞云

仲冬斬陽木仲夏斬陰木不在零落之時昆蟲未蟄不以火田者謂未十月之時十月則得火田故羅氏云蜡則作羅襦注云今俗放火張羅從十月以後至仲春皆得火田故司馬職云春火弊是也若陶鑄之火則季春出火季秋內火按司燿云季春出火季秋內火知是陶鑄之火者按春秋昭六年左傳云三月鄭人鑄刑鼎士文伯曰火未出而作火鄭其有災乎刑鼎則陶鑄也。注昆明也。正義曰按說文曰昆同也今云明者以字從日故爲明不麋至殛天。不麋不卵據春時特甚不殛天之等亦然故國語云獸長麋天鳥翼毚卵是春尤甚此注云重傷未成物則四時皆然也國語既云獸長麋天天與麋相連故鄭云少長曰天。○冢宰制國用必於歲之杪

五穀皆入然後制國用

制國用如今度支經用杪末也。杪亡小度支大各反

下音

用地小大視年之豐耗

小國大國豐凶之年各以歲之收入制其用多

少多不過禮少有所殺。耗呼報反殺色戒反又邑別反

以三十年之通制國用

量入以爲出

通三十年之率當有九年之蓄出謂所當給爲。量音亮率音律又音類本又作緯

之畜勅六
反後皆同

祭用數之仿

一。今年一歲經用之數用其什一。仿音勒又音力什音十

喪三年不祭唯祭天地社稷爲越紼而行事

不敢以卑廢尊越猶躐也紼輻車索。紼音弗躐力輒反輻勅倫反索悉各反

喪用三年之仿

喪大事用三歲之什一

喪祭用不足曰暴有餘曰浩

暴猶耗也浩猶

饒也。浩胡老反

祭豐年不奢凶年不儉

常用數之仿

國無

九年之蓄曰不足無六年之蓄曰急無三年之

蓄曰國非其國也三年耕必有一年之食九

年耕必有三年之食以三十年之通雖有凶

旱水溢民無菜色然後天子食日舉以樂

菜色

食菜之色民無食菜之飢色天子乃日舉以樂以食。日人一反下同

疏

冢宰至以樂。正義曰此一節論冢宰制